

Yimchunu

JOHAN-NU
ATHRUDKHE THİYUSHAKATSU

Rhangdong Yu

/1 Atanki ching Thiyu lakhea,
tusho Thiyuju Thrunpuh lung
lakhea, tusho Thiyuju Thrunpuh
lakhea. Api atanki chingnu Thrun-
puh lung lakhea. Api hode
Thrunpuhnu tumutumushe thrun;
tusho tumupuru thruntunu api
mupetua tumushe muthrun. Api
kheak rhangdong lakhea, tusho
rhangdongju mitsuru ayin lakhea.
Tusho ayinjunu amitung ching
yincho, tusho amitungnu ju mu-
yihdokhok.

Thrunpuhnu api yushakhanru
mitsuru khtilang amungnu Johan
arushi. Api hode alalanu akhinshi-
pu thsongkheaknu ayin thsongkheak
thiyumutsan jibpu api aru. Hapu
mitsuru ayinpuju yong, tushe ayin
tunkheak thiyumutsan jihpu
arukhea. Atsutsu ayin, shepunu
mitsuru alala yinshichonu api alomi
ching arude lakhea.

Thiyuju alomi ching lakhea,
tusho Thrunpuhnu alomiju api hode
athrunkhea, tushe alominu api
mumukhea. Api nihpe lomi kilim
aru tushe nihpe mitsurunu api
muliangkhi. Tushe kutukhunu
api liangkhitunu, tusho sherunu
api mung ching kintunu, aru khilim

Thrunpuh tsuhrubo kampu apinu sumujih. Tusho sheru Thrunpuh tsuhrubo kamtunu aruju shinu mulongkhi chingnu muzupe, tusho thi chingnushe muzube tusho mitsurunu mulongkhi chingnushe muzube, tushe Thrunpuhnu mulongkhi chingnu zube.

Tusho thiyuju mitsuru kam-
bale isa lung lakhea, tusho amutsum tusho thiyurunu mede, Apu lapkhiung Tsuhru muritakhi tumuanu ju muritakhiju isanu ngu.

Johannu api tunkheak zhede tha, "Inu shepu tunkheak thakhea ju thsu api lakhea, api I tunglim lang aru, tushe api I kheaknu atope kam, tumutusho I muzubeyide api lakhea."

Tusho api asodakhi amuzho hode apinu alala khilim mungumuhijih; tusho mungumuhi mikheak mungu muhi ngu. Thrunpuhnu Thiyuzungju Mosa hode jih, tushe amutsum tusho Thiyuruju Jisu Khrista hode arukhea. Mitsuru shenushe kuyimkische Thrunpuh mungu; tushe apu khu ching lapu lapkhiung Tsuhrunu api amikheak akhiukshido.

Johan Baptijihpu Yushak

Kuyimki Jihudarubonu amukiamrubo tusho Levirubo Jirusalem chingnu Johan ki "Nu shepua" de kiokhipu yushikhea, Johannu thiyumutsan jihde tha.

Apinu malukhide mula, tushe

kipkhitde tha, "Khristaju I yong."

Tusho arunu kiokhi, "Tale
nu shepua? Nu Elia ashe?" Apinu
alu, "Yong" Tusho arunu tha,
"Jutuasho nu wokiruashe? Johannu
alu," I yong."

Jumonu arunu api ki tha,
"Jutuasho isa thi-a arushirubo ki
athalupu thsude nu sheanu isa ki
thaang; nunu nu tunkheak tumu
thapa?"

Apinu alu,
"Isaya wokirunu athakhi nangde,
Atungpu limro mukhiongarito
tsakhamang, de
Mutum ching khulangnu azhekhi
tushakju I-ah."

Kheakushe Farisirubonu
thiyushakhanru khuru yushi, tusho
arunu Johan ki kiokhi, "Nu Khrista-
she yong, Eliashe yong, tusho
wokirushe yongsho tumude nunu
baptijihcholi?"

Johannu aru ki alu, "Inu ke
ching nusa baptijihcho, tusbe mitsu-
ru khulang shepu nusanu mumu-
khea, api nusa lung zhipla, api I
tunglim arupa, shepu jingkhumpu
zhi trunjihpu langshe Inu muthulun."

Johannu baptijihde lakhi
Jordan khulim Bethani ching haru
alala tunji.

Thrunpuh Namfhiminu Nunu

Ashetoju api kilim Jisu aru-
khi ngubale Johannu tha, "Alomi

muneam hanba yupu Thrunpuh
namfhiminu nunu kheaang! I
tunglim mitsuru khulang arucho,
shepu I kheaknu atope kam, tumu-
tusho api I kheaknu akhu lakhea,
de shepu tunkheak inu athakhea, ju
thsu apia. Inu api mumukhea,
tushe api Israel miki amikheak
akhiukshipu thsongkheaknu, inu ke
ching baptijihde arukhea."

Tusho Johannu thiyumutsan
jihde tha, "Thuning chingnu Me
mutritumpu nangde akikhi inu
ngudo, tusho ju api kheak lah."
Inu api mumukhea, tushe Thrun-
puh shepunu ke ching baptijihpu
I thikhea, apinu I ki tha, "Shepu
kheak Me akibale lade angupanu
apinu Amusu Me ching baptijihpa.
Hapu ha Thrunpuh Tsuhruah de
inu ngudo tusho thiyumutsan jihdo.

Jisu Jingyanru Akhurubo

Kheakushe ashetoju Johannu
ajingyanru manie lung zhipde
lakhea. Tusho kuyimki Johannu
Jisu yude ngukhea, apinu tha,
"Thrunpuh namihiminu nunu
kheaang!"

Tusho apinu athakhiju ajing-
yanru manie junu sobale Jisu
tunglim yan. Tusho arunu api
tunglim yankhi ngubale Jisunu
rholuba aru ki tha, "Nusanu tumu
yimcholi?"

Tusho arunu api ki alu, "Rabi
(Tsangyuru) nu tumu ching lacholi?"

Apinu alu, "Arang tusho

nusanu angupa." Jumonu arunu api lung yubale api tumu ching lachonu ju ngu, tusho ju nimongju arunu api lung lakhea. (Ju animong phuyi king ngum lakhea.)

Johannu athakhi sobale Jisu tunglim ayukhi bolung khulanga Simon Peter nioru Andria lakhea. Apinu akhude akhiung Peter ngubale tha, "Isanu Mesia (Khrista) ngudo." Apinu Simon Jisu kilim petaru. Jisunu Simon kheak kheade tha, "Jona tsuhru Simon, nu mung Kefa de ajipa."

Jisunu Filip tusho Nathanil Jikhi

Ashetoju Jisunu Galil ching yunide lakhea. Tusho apinu Filip ngubale tha, "I lung arang." Filip she Andria le Peter aru kiuru Bethsaidaru lakhea. Filipnu Nathanil ngubale tha, "Josep tsuhru Nazarethru Jisu, shepu tunkheak Mosanu thiyuzung ching tusho wokirubonu athrudkhea, api isanu ngudo."

Tusho Nathanilnu api ki alu, "Nazareth chingnu tumukhli atsu akhiukpade?" Filipnu alu, "Arubale kheaang".

Kuyimki Jisunu Nathanil api kilim arukhi ngukhea apinu api tun tha, "Ha ching Israelru tsutsu khulang lah; api kheak arukchi mula!"

Nathanilnu alu, "Nunu kutu-thsilba I mukheakhea?" Jisunu api ki alu, "Filipnu nu mujiyide, nu

khopasodong khup lachoki inu nu
ngu."

Nathanilnu api ki alu,
"Tsangyuru, nu Thrunpuh Tsuhrua.
Nu Israelru atokiulongthsupu."

Jisunu api ki alu, "Inu nu
khopasodong khup ngukhea de
athakhi ching nunu kinchotu? Haru
kheaknu rhimo atope nunu angupa.
Inu nusa ki thacho, Atsutsu
thuning khimshubale Thrunpuh
thuning yunirubo Mitsuru Tsuhru
kheak wutukhi tusho akikhi nusanu
angupa.

Kana Kiulong ching Arhangru
Thunio

/2 Tusho masamni labale Galil
ching lakhi Kana kiulong
ching arhangru thunio khulang
lakhea. Jisu abe she ju ching lakhea.
Tusho ju thunio ching pepu Jisu
tusho ajingyanru boshe jiyok.
Kuyimki aru kurongaso ke
lukhamapakhea, Jisu abenu Jisu ki
tha, "Aru kurong aso ke lukhama-
pahdo."

Tusho Jisunu alu, "Oh aliberu,
tumu rhimopeanu ju nunu I ki
tutha, I kim kheakushe mukhiongyi."

Jisu abenu yamlaruboki tha,
"Apinu nusa ki tumu thabanu ju
rhimoang."

Ju chingju Jihudaru amu-
sukhitkhe yakzan nangde khulang
ching khiomok mokuku samruru
yuzakhe long pangjiphu thorok

lakhea. Jisunu aru ki tha, "Pangji-phubo chingju ke mede yokang" Jumouu arumi pangjiphubo chingju ke mede yok. Tusho apinu aru ki tha, "Kheaku ju chingnu ke anukhu khipkhitbale thunio kimthsupu khilim jih-ang." Tusho arunu ju api kilim luba yu. Tusho kuyimki thunio kimthsupunu kenu akamkhi kurongaso keju yungakia khea-kheanu, ju tumu chingnuanu apinu mumukhea. (tushe ju yamlarubo sherunu ke khipkhitkhea arunu lang mukhea.) jumonu apinu arhangpuju jibale tha. Mitsuru alalanu akhude kurongaso ke atsuju ahiucho; tusho mitsurubonu ahiukhu yongshu lang amutsupeju ahiucho: tushe nunu kheaku khiongde kurongaso ke atsuju azokhetupu?"

Api khinthinpe rhimo tan-kikhe ha Jisunu Galil ching lakhi Kana kiulong ching rhimo, tusho api murita hi amikheak akhiukshi, tusho api jingyanrubonu api kheak kin.

Ju tunglim Jisu tusho abe, aniorubo tusho ajingyanrubo Kaper-naum ching yu: tusho ju ching nimong anukhu lang la.

Jisunu Arungyam ching Yukhi

Kheaku Jihudaru akhumkhit-pu thunio thuninde lakhea. Tusho Jisu Jirusalem ching wutu. Tusho apinu arungyam ching moshi, nam-fhiminu tusho nutritumpu yinrubo tusho sho muthrirubo pinde ngu. Tusho apinu arhappe shongliu tsakham tusho moshi le namfхими-

nubo alala arungyam chingnu
yankhitapah; tusho apinu sho mu-
thrinakrubo tukhum thulaapajih.
Tusho nutritumpu yinrubo ki
tha, "Haturu ia hakheaknu luba
tsoang, I pu yam shothsumulopong
yam tukamshi." Nu yam thsong-
kheak inu akunkhinu amipa," de
amusu yu ching thruda lakhi
ajingyan rubonu lumkhit.

Jumonu Jihudarubonu tha,
"Haturu rhimo mo nunu isa ki tumu
khinthinpe huhcholi?" Jisunu aru
ki alu, "Ha arungyam thsumu-
nimang, tusho inu nimong masam
tukeak chingnu athsulupa."

Jihudarubonu tha, "Ha
arungyam kam yirukheak thorok
chinglang thsukhitkhea, tusho nunu
ju nimong masam tukheak chingnu
kutu athsukhokpu?"

Tushe ju apinu api rhangdong
tunkheak athakhea. Kuyimki api
ashe chingnu arhangkamlutarukhea
apinu ha athakhea de ajingyanru-
bonu lumkhit, tusho arunu amusu
yu ching tusho apinu athakhi yubo
kheak kin.

Jisunu Mitsuru Alala Mijkhea

Kheaku akhumkhitpu thunio
kim ching Jisu Jirusalem ching
lachoki, apinu arhimokhi amuyin-
sape khinthinpebo ngubale, api
mung ching ahikhunu kin. Tu-
she Jisunu mulong lamde arubo
khilim akudathsude mujih; tumu-
ltisho apinu mitsuru alala mukhea.
Tusho shenushe mitsuru tun-

kheaknu thiyumutsan jihpu api
thsongkheaknu yihnupu mula;
tumutusho mitsurti kheak tumu
lakheanu apinu akudathsude
mukhea.

Jisu Tusho Nikodima

/3 Kheaku Farisiru khulang
amungnu Nikodima, Jihudaru
yakzan shuru khulang lakhea.
Apinu azhing ching Jisu ki arubale
tha, "Tsangyuru, nu Thrunpuh kilim-
nu arukhi tsangyuni khulang de
isanu mukhea lah. Tumutusho
Thrunpuh mupesho nunu arhimo-
khi rhimo ato ha shenushe mu-
rhimokhok."

Jisunu api ki alu, "Tsukjide,
inu nu ki thaanu, Maniekipu muzu-
belusho mitsuru shenushe Thrunpuh
kiulongthsu ching muyuzakhok."

Nikodimanu api ki alu, "Mi-
tsuru azoru kamshu api kututhsuba
zubepu? Api beru bok ching wutu-
bale zubekhokpade?"

Jisunu alu, "Atsutsu, tsukjide
inu nu ki thacho, mitsurunu ke tu-
sho Me chingnu muzubelusho
Thrunpuh kiulongthsu ching muyu-
zakhok. Shinu zubekhiju shi,
tusho Menu zubeshikhiju me.
Inu nusa ki nusanu maniekipti
zubepea de athakhi ching tumuyinsa.
Apong kulimpiang yunnibanu
julimpiang yuncho, tusho nunu ju
thushakju socho, tushe ju kulim-
piangnu arucho tusbo kulimpiang
yuchonu ju nunu mumukhea. Menu
zubekhi alala ju nangde lah."

Nikodimanu Jisu ki alu, "Haru ha kutu thsukhokcholi?"

Jisunu api ki alu, "Nu Israel-ru tsangyuru khulang thsubale harit ha manikhitchode? Atsutsu, tsukjide inu nu ki thaanu, isanti tumu mukhea la, ju asokcho, tusho isanu tumu ngukhea, ju tunkheak thiyumutsan jihcho, tushe nusanu isa thiyumutsan mulucho. Inu alomi yukhian thachoki nusanu mukinsho, thuning yukhian thachoki kude akinpa? Tusho Mitsuru Tsuhru shepu thuning chingnu akikhea, api kheak hode she she thuning ching muwutu.

Mosanu mutum ching kungangde phoroto shuhkikhea, jungangde Mitsuru Tsuhrushe shuhkipa. Jude thsusho lang, Mitsuru Tsuhru kheak sherunu akinpanu aru aban kamrururu rhangdong lapa,

Tumutusho Thrunpuhnu alomi akiangnu muzhokhinu, api Tsuhru khulang lang alakhi jih, jumonu sherunu api kheak kinbanu musheshi tushe kamrururu rhangdong lapa. Tumutusho Thrunpuhnu alomi ching atsuhru arushikheju, mitsuru khilim amulim jihpu thsongkheaknu arushikhi yong, tushe api hode akhumkhit ngushipu arushikhea.

Shepunu api kheak kinbanu api khilim neak mujihcho, tushe shepunu api kheak mukinbanu api khilim amulim jih-apado, tumutusho apinu Thrunpuh lapkhiung

Tsuhru mung ching mukin. Tusho amulim jihkhe yuju hajua; ayinju alomi ching aru, tushe mitsurunu ayin yongde amitungpunu muzho; tumutusho aru rhimo amutsu lakhea. Tumutusho shepunu amutsu rhimochonu apinu ayin traneancho; tusho api rhimo ching aneak nguba mutsuli de apinu ayin miki marucho. Tushe shepunu thiyuru rhimochonu api rhimo Thrunpuh mulongkhi ching rhimokhea de amikheak akhiukshipu thsongkheaknu apinu ayin kilim arucho."

Jisu Tusho Johan

Ju tunglim Jisu tusho ajing-yanrubo Jihuda lomi ching yu. Tusho ju ching apinu aru lung lade baptijih. Tusho Johan baptijih-punushe Salem thuninde Aenon kiulong ching baptijihde lakhea, Tumutusho ju ching ke ahihkhu lakhea, tusho mitsurubonll api kilim yu tusho apinu aru baptijih. (Tumutusho Johan baptijihpu kheakushe rihyam ching muramyokyide lakhea.)

Jumonu musukhitjihkhi tunkheak Jihudaru khulangnu Johan jingyanru lung atsangachide lakhea. Jumonu aru Johan kilim arubale api ki tha, "Tsangyuru, Jordan khulim nu lung shepu lakhea, tusho shepu tunkheak nunu thiyumutsan jihkhea, kheaang, apinu she baptijihcho, tusho mitsuru alalanu api kilim yucho."

Johannu alu, "Thrunpuhnu

Mitsuru khilim tumu jihchonu, ju
kheak hode apinu tumu angupu
mokok. I Khristaju yong, tushe
I api kheaknu akhu arushipu
langkah de inu athakhi, I tunkheaknu
thiyumutsan nusa lah. Shepu
thsongkheaknu arhangbe lanu apiju
arhangpu, tushe arhangpu muya-
napu shepunu zhipbale api yu
anicho, tusho apinu api tushak
sobale khide asucho; jumonu I
asukhi ha sodado. Api khide
atongto kampa tushe la akiangkiang
kampa."

Thuning chingnu Shepu Akikhea?

Api shepu thuning chingnu
arucho, api alala kheak atope shepu
alomi chingnu lanu api alomi yo,
tusho apinu alomi tunkheak thacho.

Shepu thuning chingnu aruchonu
api alala kheak akupi. Apinu
tumu ngukhea, ju tunkheak apinu
thacho, tushe shenushe api yushak
muliangkhicho. Shepunu api
yushak liangkhichonu apinu Thrun-
puh thiyuru de mutsan umkijih-
do. Tumutusho shepu Thrunpuh
kilimnu arushikhea, apinu Thrun-
puh yu thacho; tumutusho apinu
Meju chamshaka mujihcho. Apu-
nu Atsuhru muzhocho, tusho api
kha ching athrunkhi shuhmulanga
jihdo. Shepunu Atsuhru kheak
kinbami api kamrururu rhangdong
lah, tushe shepunu Atsuhru kheak
mukinbanu api kuyimkiske rhang-
dong mungu, tushe Thrunpuh bok-
akhiukkhi kamrururu api kheak lah.

Jisu tusho Samariaberu

/4 (Jisunu akudathsude mubapti-
jihde api jingyanrubo nulang
baptijihjhshe) Johan kheaknu
Jisunupu jingyanru ahihpe kamshi-
cho tusho baptijihcho de Farisiru-
bonu sodo de Atungpunu kuyimki
mukheakhea, Apinu Jihuda pahbale
Galil ching maniekipu yu. Tusho
apinu Samaria hode ayupu kam.

Jumonu apinu Samaria ching
lakhi Saikar kiuto khulang ching
aru, kupu Jakobnu atsuhru Josep
khilim jihkhi lo thuninde lakhea.
Jakob kekhip ju ching lakhea,
Tusho Jisu limro ching kiakbale, Ju
kekhip munkup kheakju pin tusho ju
thurukheak-manie king ngum lakhea.

Jutuki Samariaberu khulang
kekhippu aru: tusho Jisunu anihbe
kiju tha. "I khilim ke ayungpu ku,"
Tumutusho ajingyanrubo kiuto
ching tsuhjungpe thulupu yua
lakhea.

Jutuki Samariaberu junu Jisu
ki tha, "Nu Jihudaru khulang thsu-
bale I Samariaberu ki kututhsubale
nunu ayungpe ke kheangchole?
(Tumutusho Jihudarunu Samariaru
lung jimpung mutsuachicho.)

Jisunu alibe kiju tha, "Thrun-
puh tsamba tumua, tusho I khilim
ayungpe ke ku de shepunu nu ki
kheangchonu nunu api mukheakhula,
nunu api ki akheangpa tusho apinu
nu khilim arhang ke jih-a alapa."

Anihbenu api ki tha, "Atoru,
nu kekhippe tumu mula, tusho,

kekhip sukla, jutuasho nu arhang
keju tumu kheakyo jihpu? Isa
apu Jakob shepunu isa khilim
kekhipju ajihkhea tusho api tsuhru-
niorubo tusho ashuih bonu ha
chingnu ayungkhea, api keaknu nu
atopiashe?"

Jisunu alu, "Sherunu ha ke
yungbanu api kethirilupa, tushe
sherunu inu ajihkhe ke yungbanu
api kuyimkische kemuthiri; tusho
inu api khilim jihkhe keju api
kheaknu kamrururu arhang ke kenu
bokhitde abokpa.

Alibe junu tha, "Atoru, I ke
muthiripu thsude tusho I ha ching
kekhip marupu thsude ju keju I
khilim ku."

Jisunu alibe ki ju tha,
"Yuang, tusho nu niupu jitarang."

Alibe junu alu, "I inuipu
mula." Jisunu tha, "Nu nu niupu
mula de nunu tukde thado.
Tumutusho nu nu niupu phungu
lakhea, tusho kheaku nu lung shepu
la, api jushe nu niupu yong, thiyu
ha nunu I ki tukde thado."

Alibe junu api ki tha, "Atoru,
nu wokiru khulangah de inu khea-
khitcho. Isa Samariaru beru-
purunu ha wong ching Thrunpuh
kingan, tushe kuching Mitsurunu
Thrunpuh kinganpianu ju Jiru-
salem de nusa Jihudarubonu
thacho."

Jisunu alibe ki tha, "Aliberu,
I kheak kinang, mitsurunu ha wong

ching thsuala, Jirusalem ching thsuala, Apu ki mukinganpu kim arumuro. Nusanu tumu mumukhea, ju kingancho: isa Jihudarunu tumu mukhea la ju kingancho, tumutusho akhumkhitpuju Jihudaru kilimnu arupa. Tushe atsutsu kinganrubonu Apu ki me ching tusho atsutsu ching kinganpu kim arumuru, tusho ju kheaku ha lah; tumutusho api ki kinganrubo thsupu Thrunpuhnu haturu yimcho. Thrunpuh-a Me tushp sherunu api kinganbanu me ching tusho thiyuru ching kinganpia."

Alibejunu api ki alu, "Mesia, shepu ki Khrista de jicho, api arupa de inu mukhea lah. Kuyimki api arubanu apinu isa khilim alala mukheashipa."

Jisunu alibe ki tha, "Shepunu nu ki asokachichonu juju api."

Jutuchoki ajingyanrubo alutaru, tusho apinu alibe kiju asokachikhe ngubale arubo muyinsa: tushe alibe kiju, "Nu tumu luni la?" de yongsho, api ki "tumude nunu alibe kiju asokachicholi?" de aru bolung shenushe mutha.

Jutuki alibe junu ke pangjiphuju zojihbale kiuto chingju alude wukhiuk, tusho mitsurubo ki tha, "Inu tumupuru rhimokhea, ju alala I ki thakhi mitsuru khulang arubale kheaang. Hapu ha Khrista ju ashetu?" Jumu arunu kiuto chingnu wukhiukbale Jisu kilim yu.

Ju kim chingju jingyanrubo-
nu Jisu ki mushude tha, "Tsangyu-
ru, tsuhyungang."

Tushe apinu aru ki alu,
"Nusanu amumukheakhi I tsuh-
yungpe lah."

Jumonu jingyanrubonu aru
zangzang asokachi, "Api khilim
khulanghunu tsuhyungpu hantaru-
nu jihalashe tu?" Jisunu aru ki
tha, "I thipunu mulongkhi anide
rhimopu tusho apinu I khilim
jihkhi rhimo panshipuju I tsuhyung-
peah."

Kheaku she khinu phuyi
labalang yimlupu akhiongpa de
nusanu thacho. Tushe inu nusa
ki thacho, nusanu tsude apina thu-
loju kheaang: kheaku yimlupu
tsude muyito muna lah. Shepunu
yimluchonu apinu mikha mo
ngucho, tusho kamrururu rhangdong
thsongkheaknu aso hanmukhong-
cho, jumonu thulo mukhianpu le
yimlupu aniechido rukhu asucho.
Tumutusho khulangnu mukhian-
cho tusho khulangnu yimlucho,
de athakhi yu haching shuruchicho.
Tumu ching nusanu rozhakde
murhimokhea ju yimlushipu inu
nusa yushikhea: pupurunu rozhak
de rhimodo, tusho aru rozhak-
khe chingnu nusa alu ngushicho."

"Inu tumupuru rhimokhea
apinu I ki alala thado," de alibe-
nu athamonu, ju kiulung chingnu
Samariaru ahikhunu Jisu kheak
kin. Jumonu kuyimki Samariaru-

bo api ki arukhea, aru lung api
la-ang de arunu api ki mushu,
tusho Jisunu ju ching masamni la.

Tusho kkeakushe ahihkhunu
api yu hode kin: tusho arunu
alibe ki tha, "Kheakua isanu
kincho, nunu athamonu yong,
tumatusho isanu isa kudathsude
sodo, tusho hapu ha atsutsu alomi
khumkhitpu-a de isanu mukheado."

Jisunu Atoru Tsuhru Khulang
Ngushikhe

Tusho nimong manie hobale,
apinu ju chingnu Galil ching yu.
Tumatusho wokiru nihpe lomi
ching mungshe mula de Jisunu
akudathsude tha, Jumonu api
kuyimki Galil ching arukhea, apinu
thunio kim ching Jirusalem ching
rhimokhi alala ngubale Galilru
bonu api asude liangkhi: tumu-
tusho arushe thunio chingju yu-
khea.

Jumonu Galil ching laktu
Kana kiulong, kuching apinu kenu
kurongaso ke kamshikhea ju ching
apinu maniekipu yu. Ju kim chingju
Kapernaum ching atoru tsuhru khu-
lang tukthsude lakhea. Kuyimki
apinu Jisu Jihuda chingnu Galil
ching arudo de asokhea, apinu
Jisu kilim yu Tusho arubale atsuhru
thsungujang de api ki mushu;
tumatusho atsuhruju ashepu thsude
tukthsude lakhea. Jumonti Jisunu
api ki tha, "Nusanu khinthinpe
tusho amuyinsape mungusho ku-
yimkiske mukin."

Atopu junu api ki tha,
"Atoru, I tsuhru musheyichokinu
arang."

Jisunu api ki alu, "Yuang,
nu tsuhru arhang lah." Mitsuru
hapu hanu Jisunu athakhi yu
chingju kin tusho yu. Tusho api
yude lachoki ayamlarubonu atsuh-
ru arhang iah de thade api ki
shuruchi.

Jumonu apinu ayamlarubo
ki atsuhruju kuyimkinu runde angu-
khea de kiokhi. Jutuki arunu api
ki tha, "Yini khulang king khiong-
chokinu phutsaknu api tukhido,"
de tha. Jumonu "Nutsuhru
arhang lah de Jisunu api ki ju kim
chingju athakhea de apunu mukhea.
Tusho api tusho aru yamkhun
alalanu kin.

Kheakushe haju ha Jisu
Jihuda chingnu Galil ching arubale
rhimokhe khinthinpe maniepu lah.

/5

Recent Visitors

[Click to Get](#)  FEEDJIT